

SAKSPAPIR

Saksnr	Utval	Type	Dato
006/23	Valstyret	PS	29.03.2023

Saksbehandlar	ArkivsakID
Runar Ludvigsen	22/401

Kommunestyre- og fylkestingvalet 2023 - Førebels oppteljing av valtingsrøyster

Rådmannen sitt framlegg til vedtak:

Førebels oppteljing av valtingsrøystene vert halden i krinsane ved Kommunestyre- og fylkestingvalet 2023.

Valstyret - 006/23

VS - behandling:

AVRØYSTING:

Samrøystes vedteke

VS - vedtak:

Førebels oppteljing av valtingsrøystene vert halden i krinsane ved Kommunestyre- og fylkestingvalet 2023.

Saksopplysningar:

Saksopplysningar:

Etter at valtinget er avslutta skal røystestyra telja opp røystesetlane i urnene. Talet på røystesetlar skal førast i protokollen for røystestyret. Denne ordninga har samanheng med at det ikkje lenger vert nytta røystesetelkonvolutt på valtinget, då med unntak for røyster som vert lagt i særskild omslag.

I Osterøy har ein ved tidlegare val hatt førebels oppteljing i krinsane. Røystestyret må i alle høve telja setlane, og det tek då ikkje så mykje lenger tid å sortera på parti og gjennomføra førebels oppteljing for kvar krins. Dette gir også det raskaste oppteljingsresultatet frå grovteljinga.

I tillegg kjem kravet i valforskrifta om at førebels oppteljing av røystene skal skje manuelt. Manuell oppteljing inneber at oppteljinga skjer for hand, utan bruk av maskiner. For å praktisk kunne gjennomføre ei manuell oppteljing, må dette skje i krinsane eller på rådhuset. Grunngevinga for dette kravet er at det skal sikre legitimiteten til valresultatet.

Erfaringa med krinsvis oppteljing er god, og ein kjenner ikkje til noko som tilseier at ein skal endra på dette. Krinsvis oppteljing føreset at det er minimum 100 personar med røysterett i krinsen, jf. Vallova § 10-4 punkt 2. Ved færre manntalsførte må ein telja fleire krinsar saman.

Førehandsrøystene vert talde sentralt tidlegare på valdagen, om mogeleg dagen før.

Vurdering

Det er viktig å få resultatet frå grovteljinga fram så fort som råd og krinsvis oppteljing er då den beste løysinga. I Osterøy er alle krinsar store nok til å ha grovteljing. Rådmannen rår difor til at ein held fram med førebels oppteljing i krinsane. Då kan krinsen starta oppteljinga umiddelbart etter at valtinget er avslutta, medan ein ved sentral oppteljing må venta til alle krinsrøystene er komne inn.

Konklusjon

Førebels oppteljing av valtingsrøystene vert gjort i krinsane. Saka vert lagt fram for valstyret for handsaming og avgjerd.